



Broj: 01-82/15
Vareš, 05.05. 2015. godine

Z A P I S N I K
s 26. sjednice Općinskog vijeća Vareš,
održane 31.03. i 13.04. 2015. godine

Zdravko Marošević – predsjedavajući Općinskog vijeća Vareš, otvorio je 26. sjednicu s početkom u 13,00 sati, u velikoj sali Općine Vareš.

Predsjedavajući OV Zdravko Marošević pozvao je gosp. Kovač Tarika da pristupi davanju Svečane izjave, kao vijećnik OV Vareš.

Nakon davanja Svečane izjave, Tarik Kovač je potpisao Izjavu.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Zdenko Franjić, Osman Ibrišimović, Kenan Kamenjaš, Đemo Kevrić, Tarik Kovač, Zdravko Marošević, Mario Mirčić, Safeta Muftić, Elvir Rožajac, Jasmin Salketić, Goran Selak i Nikola Šimić.

Odsutni: Asmir Čizmo, Mato Pavić, Tajiba Brkić i Emir Islamović.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika gosp. Ermin Musa, gosp. Rusmir Berberović i gosp. Čedomir Jelić, zamjenica općinskog pravobranilaštva – gosp. Elma Brčić-Rožajac, ispred Službe za prostorno uređenje, urbanizam, privredu i finansije – gosp. Senad Mahmutović, komandir PVJ – gosp. Izudin Muftić, direktorica TRD Vareš - gosp. Selvedina Gondžo, predsjednici političkih stranaka i predstavnici medija.

Sekretar OV Leon Pavlović izvijestio je Vijeće o realizaciji Zaključaka sa 25. sjednice OV održane 28.01.2015. godine. Na 25. sjednici OV donesen je jedan (1) Zaključak koji je i realizovan. Postavljeno je šest (6) vijećničkih pitanja na koja su nadležne Službe dostavile pismene odgovore podnosiocima vijećničkih pitanja.

(Vijećnička pitanja)

Elvir Rožajac

Na pitanje koje je postavio na prošloj sjednici OV koje se odnosilo na postavljenje zaštitne ograde na dijelu korita rijeke Stavnje, dobio je odgovor da će popravka ograde izvršiti najdalje do 01.10.2015. godine. Smatra da je to dug period i traži da se u što kraćem roku izvrši popravak ograde.

1. Da li itko ispred Općine Vareš kontrolise sjeću imovine (hangara) firme Autotrans? O postavljenom pitanju dao je pojašnjenje.

Zdenko Franjić

2. Zašto u posljednju godinu dana ni jedna trafika (kiosk za štampu) ne radi nedjeljom, traži da nadležne Službe se angažuju na rješavanju ovog problema?

Ismet Abdulahović

3. Šta se uradilo na sanaciji divlje deponije između Dabravina i Breze koju Općina Breza pravi?
4. Traži da se kontroliše kamion JKP koji svaki dan pravi dvije ture iz pravca Visokog, da se kontroliše koje vrste je smeće? Također je zamolio pripadnike Policijske stanice Vareš da odrade svoj dio posla, da se prekontroliše taj kamion?

Safeta Muftić

5. Pitanje upućeno firmi „Ljaljić Turs“ - Da li postoji mogućnost organiziranja vožnje malim autobusom iz Vareša ka selima, kao vanredne vožnje u vrijeme kada za to postoji zainteresiranost dovoljnog broja građana (odnosi se na slučajeve sprovođa, misa, dženaza ka mjesnim grobljima? O postavljenom pitanju dala je pojašnjenje.

Đemo Kevrić

Dao je komentar na dostavljene odgovore od nadležnih Službi na postavljena vijećnička pitanja na prošloj sjednici OV.

6. Da li postoji mogućnost da se na svim lokalnim putevima općine Vareš, poslije zimske sezone izvrši sanacija tih puteva?

Mahira Brkić

Dala je komentar na dostavljene odgovore od nadležnih Službi na postavljena vijećnička pitanja na prošloj sjednici OV.

Goran Selak

7. Da li će i kada biti saniran dio puta u ulici Perunska koji nikad nije završen (zadnji dio trase od 15 m)?

Općinski načelnik Avdija Kovačević u okviru aktualne problematike na području općine Vareš, izvijestio je Vijeće da će kroz raspravu po tačkama dnevnog reda, upoznati prisutne i javnost o aktualnoj problematici.

Radu sjednice zbog opravdanog kašnjenja priključila se i vijećnica Tajiba Brkić.

Predsjedavajući OV stavio je na raspravu Zapisnik sa 25. sjednice OV.

Vijećnik Đemo Kevrić javio se za riječ i zatražio od Općinskog načelnika dodatno pojašnjenje u vezi podataka sa kojima je Općinski načelnik upoznao Vijeće na prošloj sjednici OV, a koji se odnose na period za neizmirene obaveze po osnovu poreza i doprinosa. Također je zatražio pojašnjenje i odgovor za koju je izvršnu sudsku presudu i koliki je iznos uplaćen za istu od kreditnih sredstava namijenjenih za uplatu doprinosa i poreza na plaće.

Predsjedavajući OV sugerisao je vijećniku Đemi Kevrić da se vodi rasprava o Zapisniku i da dodatna pojašnjenje i pitanja može tražiti kroz određene tačke dnevnog reda ili pod tekućim pitanjima.

Vijećnik Đemo Kevrić prihvatio je iznesenu sugestiju od strane predsjedavajućeg OV.

Nije bilo primjedbi i predsjedavajući OV stavio je na izjašnjavanje Zapisnik sa 25. sjednice OV, te nakon izjašnjavanja vijećnika konstatuje da je **Zapisnik sa 25. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 26. sjednicu OV koji je usaglašen na Kolegiju Općinskog vijeća.

Općinski načelnik Kovačević Avdija predložio je dopunu dnevnog reda sa tačkom „Prijedlog Odluke o izmjeni Odluke o osnivanju zajedničkog općinskog pravobranilaštva općina Vareš i Olovo.“ Predložio je da navedenu tačku OV razmatra pod tačkom 3., a da se ostale tačke pomjere za jedno mjesto. O predloženom je dao pojašnjenje.

Vijećnica Safeta Muftić javila se za riječ i predložila da se tačka 2. „Prijedlog Odluke o stavljanju van snage Odluke Općinskog vijeća“ skine sa dnevnog reda o čemu je dala pojašnjenje.

Predsjedavajući OV stavio je na izjašnjavanje prijedlog dopune dnevnog reda sa tačkom 3. „Prijedlog Odluke o izmjeni Odluke o osnivanju zajedničkog općinskog pravobranilaštva općina Vareš i Olovo“ koji je predložio ovlaštenu predlažući Općinski načelnik.

Nakon izjašnjavanja vijećnika predsjedavajući OV konstatuje da je **jednoglasno usvojena dopuna dnevnog reda sa tačkom 3. „Prijedlog Odluke o izmjeni Odluke o osnivanju zajedničkog općinskog pravobranilaštva općina Vareš i Olovo“.**

Predsjedavajući OV stavio je na izjašnjavanje prijedlog koji se odnosi na skidanje sa dnevnog reda tačke 2. Prijedlog Odluke o stavljanju van snage Odluke Općinskog vijeća“ koju je predložila vijećnica Safeta Muftić.

Nakon izjašnjavanja vijećnika predsjedavajući OV konstatuje da sa **8 glasova „ZA“ i 8 glasova „PROTIV“ predložena izmjena nije dobila potrebnu većinu glasova. (3 vijećnika nisu prisutna)**

Nije više bilo rasprave i predsjedavajući OV stavio je na izjašnjavanje prijedlog dnevnog reda za 26. sjednicu, te nakon izjašnjavanja vijećnika konstatuje da je sa **13 glasova „ZA“ i 3 glasa „PROTIV“ (3 vijećnika nisu prisutna) usvojen s l i j e d e ć i**

Dnevni red

1. Prijedlog Odluke o izmjeni Odluke o visini zakupnine prostora kojima raspolaže općina.
 - Izvjestilac: Služba za prostorno uređenje, urbanizam, privredu i finansije.
2. Prijedlog Odluke o stavljanju van snage Odluke Općinskog vijeća.
 - Izvjestilac: Služba za prostorno uređenje, urbanizam, privredu i finansije.
3. Prijedlog Odluke o izmjeni Odluke o osnivanju zajedničkog općinskog pravobranilaštva općina Vareš i Olovo.
 - Izvjestilac: Općinski načelnik
4. Prijedlog Rješenja o razrješenju i imenovanju dva člana i predsjednika Općinske izborne komisije Vareš.
 - Izvjestilac: Predsjednik Komisije za izbor i imenovanja – Boško Andrić
5. Prijedlog Rješenja o utvrđivanju prava vlasništva u korist Prkić (Franje) Zlatka iz Vareša, ulica Korovinjići.
 - Izvjestilac: Služba za prostorno uređenje, urbanizam, privredu i finansije.
6. Izvještaj o provođenju Odluke o komunalnom redu općine Vareš za 2014. godinu
 - Izvjestilac: Služba za prostorno uređenje, urbanizam, privredu i finansije.
7. Izvještaj o stanju zaštite od požara na području općine Vareš sa akcentom na realizaciju Plana zaštite od požara i stanje opremljenosti PVJ
 - Izvjestilac: Služba za civilnu zaštitu

8. Izvještaj o radu Savjeta mjesnih zajednica sa područja općine Vareš u 2014. godini
 - Izvjestilac: Služba za opću upravu i društvene djelatnosti
9. Informacija o provođenju Strategije razvoja Općine Vareš za period od 2006 do 2015. godine za 2014. godinu.
 - Izvjestilac: Služba za prostorno uređenje, urbanizam, privredu i finansije.
10. Informacija o provođenju Strategije razvoja poljoprivredne proizvodnje na području općine Vareš za period 2014-2018 godina za 2014. godinu.
 - Izvjestilac: Služba za prostorno uređenje, urbanizam, privredu i finansije.
11. Informacija o provođenju „Strategije razvoja i unapređenja socijalne zaštite Općine Vareš za period 2014-2017. godina“ za 2014. godinu
 - Izvjestilac: Služba za opću upravu i društvene djelatnosti
12. Informacija o provođenju Strategije prema mladima općine Vareš u 2014. godini.
 - Izvjestilac: Služba za opću upravu i društvene djelatnosti
13. Izvještaj/Izvješće o izvršenju budžeta/proračuna Općine Vareš za period januar/siječanj – decembar/prosinac 2014. godine.
 - Izvjestilac: Općinski načelnik
14. Prijedlog Programa mjera štednje Jedinственог općinskog organa Općine Vareš za period 2015-2020. godina.
 - Izvjestilac: Općinski načelnik
15. Informacija o blokadi svih računa Općine Vareš od strane „Unicredit Bank“ d.d. Mostar po nalogu Porezne uprave FBiH.
 - Izvjestilac: Općinski načelnik
16. Informacija o projektima obnove stambenih objekata na području općine Vareš u 2014. godini
 - Izvjestilac: Služba za prostorno uređenje, urbanizam, privredu i finansije.
17. Informacija o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje – Vareš.
 - Izvjestilac: Služba za prostorno uređenje, urbanizam, privredu i finansije.
18. Tekuća pitanja.

Ad. 1.

*(Prijedlog Odluke o izmjeni Odluke o visini
zakupnine prostora kojima raspolaže općina.)*

Komisija za statutarna pitanja i propise na 22. sjednici održanoj 20. 03. 2015. godine jednoglasno je donijela slijedeći Zaključak:

-Komisija nema primjedbi na Prijedlog Odluke o izmjenama Odluke o visini zakupnine prostora kojima raspolaže općina, s tim da se u nazivu Prijedloga Odluke riječ „izmjenama“ zamijeni sa riječju „izmjeni“, te je upućuje Vijeću na razmatranje.

Ovlašteni predlagач nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Ismet Abdulahović koji je tražio pojašnjenje gdje se nalaze ti prostori i zašto se smanjuje cijena zakupnine i Elvir Rožajac koji je izjavio da iz moralnih razloga neće podržati ovu tačku dnevnog reda.

Za riječ se javio Općinski načelnik koji je dao dodatno pojašnjenje za ovu tačku dnevnog reda na traženje vijećnika Ismeta Abdulahovića.

Nije bilo više učesnika u raspravi i predsjedavajući OV stavio je na izjašnjavanje Prijedlog Odluke o izmjenama Odluke o visini zakupnine prostora kojima raspolaže općina.

Nakon izjašnjavanja vijećnika predsjedavajući OV konstatuje da je sa **11 glasova „ZA“ i 5 glasova „PROTIV“ (3 vijećnika nisu prisutna) usvojena**

***Odluka o izmjeni Odluke o visini
zakupnine prostora kojima raspolaže općina.***

Ad.2.

*(Prijedlog Odluke o stavljanju
van snage Odluke Općinskog vijeća.)*

Radu sjednice zbog opravdanog kašnjenja priključili su se i vijećnici Čizmo Asmir i Pavić Mato.

Komisija za statutarna pitanja i propise na 22. sjednici održanoj 20. 03. 2015. godine jednoglasno je donijela slijedeći Zaključak:

-Komisija nema primjedbi na Prijedlog Odluke o stavljanju van snage Odluke Općinskog vijeća, te je upućuje Vijeću na razmatranje.

Ispred ovlaštenog predlagača Ermin Musa dao je kratko dodatno pojašnjenje za ovu tačku dnevnog reda s akcentom na član 2. Prijedloga Odluke, u kome je naglasio da se ne može izvršiti prometovanje objekta (Mehaničke radionice), bez obzira da li Vijeće usvoji ili ne ovu Odluku, jer je ista stavljena pod hipoteku od strane Porezne uprave prije donošenja Odluke o prodaji iste

Otvorena je rasprava u kojoj su svoje primjedbe, prijedloge, sugestije i mišljenja iznijeli:

Vijećnica Safeta Muftić - u svom obraćanju iznijela je mišljenje na osnovu materijala koji su dostavljeni od strane direktorice TRD Vareš i Općinskog načelnika,

Zamjenica zajedničkog općinskog pravobranilaštva Elma Brčić-Rožajac u svom izlaganju izjavila je da Ugovor o zakupu Mehaničke radionice, koji je sklopljen između Općine Vareš i TRD Vareš, stavljanjem van snage ove Odluke se ne mijenja, te da je nastala greška prilikom donošenja Odluke o prodaji Mehaničke radionice, odnosno da se ista nije mogla donijeti u obliku u kakvom je donesena i po cijeni koja je navedena u istoj o čemu je dala pojašnjenje.

Vijećnica Safeta Muftić javila se za repliku u kojoj je dala osvrt na svoje izlaganje u kome je izjavila da za nevaljanost Ugovora nije kriva TRD Vareš nego Općina Vareš.

Predsjedavajući OV Zdravko Marošević skrenuo je pažnju da se rasprava treba voditi o tački dnevnog reda odnosno o eventualnim manjkavostima Prijedloga Odluke.

Vijećnik Mario Mirčić javio se za riječ i u svom obraćanju ispred Kluba Hrvatske koalicije predložio da se donošenjem Odluke o stavljanju van snage Odluke Općinskog vijeća sačeka četiri do šest mjeseci o čemu je dao pojašnjenje.

Vijećnik Ismet Abdulahović u svom obraćanju zatražio je od zamjenice zajedničkog općinskog pravobranilaštva pojašnjenje zašto se ranije nije ranije reagovalo po ovom pitanju.

Vijećnik Elvir Rožajac u svom izlaganju izjavio je da je protiv ove Odluke o čemu je dao pojašnjenje, te zamolio direktoricu TRD da iznađe mogućnost uplate doprinosa za radnike koji su ispunili uvjete za penziju.

Općinski načelnik Avdija Kovačević javio se za riječ i u svom obraćanju ponovo ranije konstatacije iznesene od strane zamjenice zajedničkog općinskog pravobranilaštva da Ugovor o zakupu ostaje na snazi bez obzira na ishod prilikom izglasavanja ove tačke dnevnog reda. Također je izjavio da ostaje zajednička obaveza da se ponovo organizuje komisijski sastanak. Osnovni motiv da se uđe u ovaj problem jeste činjenica da dugovanja TRD Vareš prema Općini Vareš, po osnovu obaveza za korištenje građevinskog gradskog zemljišta i ostalih naknada (vodne i sl) sa 31.12.2014. godine iznose 241.824,40 KM. To stanje je usaglašeno i sa jedne i sa druge strane. U svom daljnjem obraćanju Općinski načelnik dao je komentar na izlaganje vijećnice Safete Muftić u kome je vijećnica iznijela mišljenje u vezi sprovedene privatizacije na području općine Vareš. Izjavio je da je vrlo važno da se zna činjenica da li će se menadžment i drugi povjerioci opredijeliti za provođenje stečajnog postupka s ciljem ozdravljenja firme TRD, da je to njihova stvar, međutim sve zakonske pretpostavke su se stekle, jer je vrijednost obaveza nadmašila vrijednost kapitala u odnosu na Tvornicu rezervnih dijelova. Također je naglasio da Općina Vareš neće biti ta koja će pokrenuti stečajni postupak, o čemu je dao pojašnjenje. Dao je pojašnjenje i komentar na izlaganje vijećnika Elvira Rožajac vezano za sjedište JP ŠPD koje je u Zavidovićima. Izjavio je da je Općina Vareš dala jednokratnu novčanu pozajmicu TRD Vareš u iznosu od 50.000 KM zbog teške socio-ekonomske situacije. Podloga za donošenje takve odluke jeste Odluka od strane Federalnog ministarstva za rudarstvo i energetiku, gdje su Općini Vareš odobrena namjenska sredstva u iznosu od 300.000 KM s ciljem poticaja razvoja metaloprerade na području općine Vareš. Izjavio je da odobrena sredstva od 300.000 KM nisu u cijelosti uplaćena zbog blokade računa o čemu je dao pojašnjenje.

U daljnjoj raspravi učestvovao je vijećnik Zdenko Franjić koji je u svom obraćanju kao radnik TRD upoznao prisutne sa stanjem u TDR i iznio probleme zaposlenika. Izjavio je da je Klub SDP protiv ovakve Odluke o čemu je dao pojašnjenje. Predložio je da se izjašnjavanje po ovoj tački dnevnog reda odgodi do daljnjeg a najdalje do kraja tekuće godine, te da se u tom periodu predstavnici Općine Vareš i TRD sastanu i pristupe usaglašavanju i rješavanju novonastalog problema. Upoznao je prisutne da je Sindikalna organizacija TRD uputila dopis predsjedavajućem OV, te je isti i predao predsjedavajućem OV na samoj sjednici.

Za riječ se javila zamjenica predsjedavajućeg OV Mahira Brkić i u svom obraćanju iznijela svoje mišljenje da svaka Odluka OV koju je Vijeće donijelo u sadašnjem mandatu ima ili individualnu ili političku pozadinu. Smatra da je Općinsko vijeće trebalo pozvati predstavnike zaposlenika, te da se pozove prisutna direktorica TRD da se obrati Vijeću. Na kraju svog obraćanja zamolila je vijećnike da dobro razmisle prije dizanja ruke za ovu tačku dnevnog reda.

Za replike su se javili vijećnici Mario Mirčić i Mahira Brkić.

Za riječ se javila zamjenica zajedničkog općinskog pravobranilaštva koja je još jednom dala dodatno pojašnjenje te izjavila da nije sporno ni to da se ide u prodaju Tvornice rezervnih dijelova, ali tekst Odluke mora se popraviti i promijeniti, te u vezi s tim sugerisala je da Vijeće donese zaključak da se zaduži nadležna Služba da do naredne sjednice OV izradi novi tekst odluke o kupoprodaji kako bi ta Odluka postala provodljiva.

Za repliku se javio predsjedavajući OV Zdravko Marošević. U svom obraćanju izjavio je da svom mandatu kao predsjedavajući OV nije nikada nikome osporio ulazak u salu OV, te da direktorica TRD ima pravo da se javi za riječ i da radnici mogu prisustvovati sjednici OV.

Predsjedavajući OV upoznao je Vijeće i javnost sa sadržajem Molbe Sindikalne organizacije TRD.

Predsjedavajući OV dao je riječ direktorici TRD gosp. Selvedini Gondžo koja je u svom obraćanju podsjetila prisutne na određene aktivnosti TRD, koje se odnose na proceduru prodaje Mehaničke radionice i investiranje u radionicu od strane Tvornice rezervnih dijelova. Također je upoznala Vijeće da nikada nije došlo do usaglašavanja Zapisnika o ulaganjima na osnovu čega će i TRD moći fakturirati Općini Vareš, da bi i TRD mogla svoja međusobna potraživanja i obaveze definisati. Zamolila je Općinu Vareš da članovi zajedničke komisije u što kraćem periodu usaglase stanje sa TRD i nakon utvrđenog stanja međusobnih potraživanja i obaveza, donese se konačna odluka.

Vijećnik Đemo Kevrić koji je u svom obraćanju izjavio je da je i Klub BPS bio stava da se ova tačka skine sa dnevnog reda današnje sjednice, te da je trebalo i ranije da se skrene pažnja Vijeću da Odluka o kupoprodaji nije bila provodljiva.

Predsjedavajući OV dao je pauzu.

U toku pauze radu sjednice zbog opravdanog kašnjenja priključio se i vijećnik Emir Islamović.

Nakon pauze predsjedavajući OV je u dogovoru sa predsjednicima Klubova, prekinuo sjednicu iz opravdanih razloga i ista će se nastaviti o čemu će odlučiti Kolegij OV.

Sjednica prekinuta u 15,40 sati.

NASTAVAK 26. SJEDNICE OPĆINSKOG VIJEĆA 13.04. 2015. GODINE U 13,00 SATI

Izvršena je prozivka vijećnika.

Prisutni vijećnici: Ismet Abdulahović, Boško Andrić, Tajiba Brkić, Zdenko Franjić, Osman Ibrišimović, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Elvir Rožajac, Goran Selak i Nikola Šimić.

Odsutni: Mahira Brkić, Asmir Čizmo, Tarik Kovač, Mato Pavić i Jasmin Salketić.

Pored vijećnika sjednici prisustvuju: sekretar Općinskog vijeća – gosp. Leon Pavlović, pomoćnici općinskog načelnika gosp. Ermin Musa i gosp. Rusmir Berberović, zamjenica općinskog pravobranilaštva – gosp. Elma Brčić-Rožajac, komandir PVJ – gosp. Izudin Muftić, direktorica TRD Vareš - gosp. Selvedina Gondžo i predsjednici političkih stranaka.

Sekretar OV izvijestio je Vijeće da će odgovore na postavljena vijećnička pitanja i informacije o realizaciji zaključaka, dostaviti se uz poziv za 27. Sjednicu OV.

Radu sjednice priključio se vijećnik Tarik Kovač.

Predsjedavajući OV upoznao je prisutne da je Općinski načelnik u skladu sa Statutom Općine Vareš, ovlastio pomoćnika načelnika gosp. Ermina Musu da ga zastupa u nastavku 26. Sjednice OV.

Predsjedavajući OV podsjetio je prisutne da rasprava pod tačkom 2. Prijedlog Odluke o stavljanju van snage Odluke Općinskog vijeća još nije zaključena i pozvao je zainteresovane da se uključe u raspravu kako bi se došlo do određenog zaključka.

Radu sjednice priključio se vijećnik Asmir Čizmo.

Za riječ se javila direktorica TRD d.d. Vareš gosp. Selvedina Gondžo koja je u svom obraćanju upoznala prisutne sa dodatnim informacijama i dala odgovore na postavljena pitanja u raspravi sa sjednice od 31.03.2015. godine koja se odnose na vrijednost kapitala firme i pozajmicu novčanih sredstava Općine Vareš firmi „Consider“ d.o.o. Vareš.

Predsjedavajući OV u svoje lično ime i u ime Općinskog vijeća čestitao je građanima pravoslavne vjeroispovijesti blagdan Vaskrs.

Za riječ se javio vijećnik Mario Mirčić koji je u svom obraćanju predložio Zaključak:

- Izjašnjavanje o prijedlogu Odluke o stavljanju van snage Odluke OV Vareš, odložiti za šest mjeseci, tj. za sjednicu u listopadu mjesecu 2015. godine.
- U roku od deset dana izvršiti usaglašavanje obaveza po Ugovoru o zakupu sa predstavnicima „TRD“ d.d. Vareš, te na narednoj sjednici izvijestiti OV o istom.
- U roku od šest mjeseci otkloniti uočene manjkavosti i nepravilnosti (koje su navedene u obrazloženju u Odluci iz 2009. god.) i izvijestiti OV o istom prije izjašnjavanja o ovoj Odluci.
- Ukoliko dođe do statusnih promjena pravnog subjekta „TRD“ d.d. Vareš kao što je promjena vlasničke strukture ili pokretanje stečajnog postupka, u navedenom roku od šest mjeseci, OV će zauzeti stav odmah po saznanjima o eventualno nastalim promjenama na prvoj sjednici OV.

Radu sjednice zbog opravdanog kašnjenja priključio se vijećnik Mato Pavić.

U daljnjoj raspravi su učestvovali vijećnici: Boško Andrić, Safeta Muftić, Elvir Rožajac, predsjedavajući OV Zdravko Marošević, Đemo Kevrić, Kenan Kamenjaš, Tajiba Brkić, Goran Selak,

pomoćnik načelnika Ermin Musa (koji je ispred ovlaštenog predlagача izjavio da prihvata prijedlog vijećnika Maria Mirčića s tim da rok od deset dana koji je naveden za usaglašavanje obaveza po Ugovoru bude rok od šest mjeseci, o istom je dao pojašnjenje), Mario Mirčić i Ismet Abdulahović.

Zaključena je rasprava i predsjedavajući OV stavio je na izjašnjavanje slijedeći

Zaključak:

- **Izjašnjavanje o Prijedlogu Odluke o stavljanju van snage Odluke Općinskog vijeća, odgađa se za 6 mjeseci, tj. za sjednicu u listopadu/oktobru mjesecu tekuće godine.**
- **Izvršiti usaglašavanje obaveza po Ugovoru o zakupu sa predstavnicima „TRD“ d.d. Vareš, te na narednoj sjednici izvjestiti Vijeće o istom.**
- **U roku od 6 mjeseci otkloniti uočene „manjkavosti i nepravilnosti“ (po obrazloženju uz Odluku iz 2009. godine) i izvjestiti Vijeće o istim prije izjašnjavanja.**
- **Ukoliko dođe do statusnih promjena pravnog subjekta „TRD“ d.d. Vareš (promjena vlasničke strukture, provođenje stečajnog postupka) u navedenom roku (6 mjeseci) OV će zauzeti stavove odmah po saznanjima o eventualno nastalim promjenama na prvoj sjednici OV.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

Predsjedavajući OV dao je pauzu u trajanju od 10 minuta.

Radu sjednice zbog opravdanog kašnjenja priključio se vijećnik Jasmin Salketić.

Ad.3.

(Prijedlog Odluke o izmjeni Odluke o osnivanju zajedničkog općinskog pravobranilaštva.)

Otvorena je rasprava u kojoj su svoja mišljenja i stavove iznijeli vijećnici: Elvir Rožajac, Mario Mirčić, Ismet Abdulahović, predsjedavajući OV Zdravko Marošević i Elma Brčić-Rožajac koja je dala kratko pojašnjenje za ovu tačku dnevnog reda.

Zaključena je rasprava i predsjedavajući OV stavio je na izjašnjavanje Prijedlog Odluke o izmjeni Odluke o osnivanju zajedničkog općinskog pravobranilaštva.

Nakon izjašnjavanja vijećnika predsjedavajući OV konstatuje da **sa 4 glasa „PROTIV“ i 14 „SUZDRŽANIH“ glasova nije usvojen**

Prijedlog Odluke o izmjeni Odluke o osnivanju zajedničkog općinskog pravobranilaštva

Ad.4.

(Prijedlog Rješenja o razrješenju i imenovanju dva člana i predsjednika Općinske izborne komisije Vareš.)

Komisija za izbor i imenovanja na 10. sjednici održanoj 16.02.2015. godine jednoglasno je donijela Zaključak:

- **Komisija predlaže da Općinsko vijeće u skladu sa članom 2.12. stav 8. Izbornog zakona BiH imenuje predsjednika iz reda članova Općinske izborne komisije Vareš.**

Komisija na 10. sjednici obavila je Intervju sa kandidatom Orozović Dragan, te zaključila da je isti prema uspjehu obavljenog Intervjua ostvario 27,67 bodova.

Komisija je obavila Intervju sa kandidatom Andrić Stela, te zaključila da je ista prema uspjehu Intervjua ostvarila 38,67 bodova.

Na osnovu uspjeha postignutog na Intervju, Komisija je sačinila rang listu i to:

1. Stela Andrić sa 38,67 bodova
2. Dragan Orozović sa 27,67 bodova

Boško Andrić u svojstvu predsjednika Komisije za izbor i imenovanje upoznao je prisutne o sprovedenoj proceduri za izbor članova OIK i stavovima Komisije.

Otvorena je rasprava u kojoj su svoje prijedloge i mišljenja iznijeli vijećnici: Mario Mirčić, Elvir Rožajac, Ismet Abdulahović, Jasmin Salketić, Kenan Kamenjaš, Boško André, predsjedavajući OV Zdravko Marošević i sekretar OV Leon Pavlović koji je dao dodatno pojašnjenje u vezi izbora članova i predsjednika OIK-e kao i o davanju saglasnosti CIK-e na Rješenje.

Predsjedavajući OV stavio je na izjašnjavanje razrješenje članova OIK-e Vareš i to Karlo Tokmačić i Dragan Orozović radi isteka mandata, te nakon izjašnjavanja vijećnika konstatuje da su **jednoglasno razriješeni dužnosti članova OIK Vareš Karlo Tokmačić član i predsjednik i Dragan Orozović član.**

Predsjedavajući OV stavio je na izjašnjavanje prijedlog kandidata za imenovanje članova Općinske izborne komisije prema rang listi, te nakon izjašnjavanja vijećnika konstatira da su **jednoglasno kandidati Stela André i Dragan Orozović imenovani za članove Općinske izborne komisije Vareš.**

Predsjedavajući OV dao je pauzu u trajanju 5 minuta radi konsultacija u Klubovima vijećnika.

Nastavljeno je sa radom sjednice.

Nakon usaglašavanja stavova u Klubovima vijećnika, predsjedavajući OV stavio je na izjašnjavanje prijedlog da se za predsjednika Općinske izborne komisije Vareš imenuje Stela Andrić.

Nakon izjašnjavanja vijećnika predsjedavajući OV konstatuje da je sa **15 glasova „ZA“ i 3 „SUZDRŽANA“ glasa imenovana Stela Andrić za predsjednika OIK-e Vareš i doneseno**

***Rješenje o razrješenju i imenovanju dva člana
i predsjednika Općinske izborne komisije Vareš.***

Ad.5.

*(Prijedlog Rješenja o utvrđivanju prava vlasništva u korist
Prkić (Franje) Zlatka iz Vareša, ulica Korovinjići.)*

Pomoćnik načelnika Ermin Musa dao je kratko pojašnjenje za ovu tačku dnevnog reda kao i usmeno očitovanje po Zahtjevu stanovnika ulice Korovinjići-predstavnik Vesnić Muhidin.

Otvorena je rasprava u kojoj su učestvovali predsjedavajući OV Zdravko Marošević i vijećnik Ismet Abdulahović.

Zaključena je rasprava i predsjedavajući OV stavio je na izjašnjavaње Prijedlog Rješenja o utvrđivanju prava vlasništva u korist Prkić(Franje) Zlatka iz Vareša, ulica Korovinjići.

Nakon izjašnjavaња vijećnika predsjedavajući OV konstatuje da je sa **16 glasova „ZA“ i 2 „SUZDRŽANA“ glasa usvojeno**

***Rješenje o utvrđivanju prava vlasništva u korist
Prkić (Franje) Zlatka iz Vareša, ulica Korovinjići.***

Ad.6.

(Izvjestaj o provođenju Odluke o komunalnom redu općine Vareš za 2014. godinu.)

Otvorena je rasprava u kojoj su svoje prijedloge, primjedbe, mišljenje i stavove iznijeli vijećnici:

Safeta Muftić – traži da se u naseljima Pruga i Novakovići iznađe mogućnost za ponovno uspostavljanje javne rasvjete.

Elvir Rožajac izjavio je da će glasati protiv ove tačke dnevnog reda o čemu je dao pojašnjenje.

Jasmin Salketić iznio je problem u vezi plaćanja računa javne rasvjete u mjesnoj zajednici Dabravine.

Ismet Abdulahović u svom obraćanju zatražio je pojašnjenje u vezi projekta nabavke specijalnog vozila-smečare i 25 kontejnera.

Tajiba Brkić sugerisala je predsjednicima mjesnih zajednica i JKP d.o.o. Vareš da se izvrši čišćenje javnih površina i lokalnih puteva.

Mario Mirčić sugerisao je da se građani trebaju informisati o prikupljenim sredstvima po osnovu komunalne naknade kao i o utrošku tih sredstava.

Goran Selak u svom obraćanju skrenuo je pažnju na opasnost ruševnih objekata u gradu s akcentom na staru željezničku stanicu u Vareš Majdanu.

Đemo Kevrić traži dodatno pojašnjenje u vezi izdatih Rješenja od strane komunalno-građevinskog inspektora.

Šimić Nikola iznio je problem građana sa rubnih dijelova grada koji se odnose na održavanje puteva i javnu rasvjetu.

Mario Mirčić predložio je da organ uprave Općine Vareš nastavi i dalje plaćati račune za javnu rasvjetu za mjesne zajednice, a da u međuvremenu se pozovu predsjednici mjesnih zajednica gdje postoji javna rasvjeta i da pokušaju zajednički iznaći rješenje kako ubuduće plaćati javnu rasvjetu.

U daljnjoj raspravi su učestvovali vijećnik Goran Selak, Ismet Abdulahović koji je insistirao da mu se odgovori na pitanje da li je plaćeno specijalno vozilo-smečara za koju su sredstva uplaćena od Švedske organizacije SIDA, da li je vozilo u funkciji.

Pomoćnik načelnika Ermin Musa odgovorio je na postavljeno pitanje u kome je izjavio da je realizovan projekat nabavke specijalnog vozila za odvoz smeča i 25 kontejnera za prikupljanje kućnog smeča. Ukupna vrijednost opreme iznosi 65.305 eura, sredstva je obezbijedila SIDA. Ta sredstva su uplaćena na račun Općine, kontejneri su plaćeni, smečara nije plaćena. Vijećnik Ismet Abdulahović insistirao je da nadležni odgovore gdje su pare o smečare ako su sredstva obezbjeđena.

U daljnjoj raspravi za riječ su se javili vijećnik Elvir Rožajac koji je postavio pitanje zašto sredstva od Švedske organizacije nisu prikazana kroz Poresku upravu, predsjedavajući OV Zdravko Marošević koji je podsjetio vijećnike da ako nisu dobili odgovore na postavljena pitanja u raspravi, ista mogu postaviti kao vijećnička pitanja.

Za riječ se javio pomoćnik načelnika Ermin Musa i odgovorio da je jedan dio sredstava koja su uplaćena od Švedske organizacije skinula Poreska uprava, jedan dio je prebačen TRD d.d. Vareš kao pozajmica, a jedan dio je potrošen za tekuće potrebe Općine Vareš.

Učešće u daljnjoj raspravi su uzeli predsjedavajući OV Zdraavko Marošević, vijećnik Đemo Kevrić, vijećnik Tarik Kovač i pomoćnik načelnika Rusmir Berberović.

Zaključena je rasprava i predsjedavajući OV stavio je na izjašnjavanje Izvještaj o provođenju Odluke o komunalnom redu općine Vareš za 2014. godinu.

Nakon izjašnjavanja vijećnika predsjedavajući OV konstatuje da je sa **11 glasova „ZA“, 4 glasa „PROTIV“ i 3 „SUZDRŽANA“ glasa usvojen**

***Izvještaj o provođenju Odluke o
komunalnom redu općine Vareš za 2014. godinu***

Ad.7.

*(Izvještaj o stanju zaštite od požara na području općine Vareš sa akcentom
na realizaciju Plana zaštite od požara i stanje opremljenosti PVJ.)*

Otvorena je rasprava u kojoj su učestvovali vijećnici i iznijeli svoje mišljenje: Mario Mirčić, Goran Selak, Elvir Rožajac, pomoćnik načelnika Rusmir Berberović i komandir PVJ Izudim Muftić koji su dali dodatna pojašnjenja za ovu tačku dnevnog reda i odgovorili na neka pitanja postavljena u raspravi.

Zaključena je rasprava i predsjedavajući OV stavio je na izjašnjavanje Izvještaj o stanju zaštite od požara na području općine Vareš sa akcentom na realizaciju Plana zaštite od požara i stanje opremljenosti PVJ.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izvještaj o stanju zaštite od požara na području općine Vareš sa akcentom
na realizaciju Plana zaštite od požara i stanje opremljenosti PVJ.***

Ad.8.

*(Izvještaj o radu Savjeta mjesnih zajednica
sa područja općine Vareš u 2014. godini.)*

Otvorena je rasprava u kojoj su svoje primjedbe, prijedloge i mišljenja iznijeli vijećnici: Elvir Rožajac, Jasmin Salketić, Goran Selak, Mario Mirčić - koji je predložio da Načelnik sa predsjednicima mjesnih zajednica održi sastanak, gdje postoji javna rasvjeta i gdje je organ uprave plaćao i do sad račune, da izmiri do sad prispijele obaveze, a da se na sastanku pokuša iznaći metodologija kako riješiti nastali problem, Emir Islamović, Đemo Kevrić, Boško Andrić, Tajiba Brkić, Ismet Abdulahović, Nikola Šimić, predsjedavajući OV Zdravko Marošević u svojstvu predsjedavajućeg i predsjednika mjesne zajednice i pomoćnik načelnika Rusmir Berberović koji je dao osvrt na diskusije vijećnika koje se odnose na probleme sa kojima se susreću mjesne zajednice u svom radu (dostavljanje Izvještaja, problem javne rasvjete i plaćanja računa, saniranje lokalnih puteva, rješavanje lokacije mjesnog greblja u Dabravinama i sl.)

Predsjedavajući OV je na osnovu prijedloga iznesenih u raspravi stavio na izjašnjavanje

Zaključak:

- **Zadužuje se Općinski načelnik i nadležne Službe organa uprave da stupe u kontakt sa mjesnim zajednicama i da pristupe rješavanju aktuelnih problema u mjesnim zajednicama gdje ima potrebe.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak i**

***Izvještaj o radu Savjeta mjesnih zajednica
sa područja općine Vareš u 2014. godini.***

Ad.9.

*(Informacija o provođenju Strategije razvoja
Općine Vareš za period od 2006. do 2015. godine za 2014. godinu.)*

Radu sjednice priključio se Općinski načelnik Kovačević Avdija.

Otvorena je rasprava u kojoj su svoje primjedbe, prijedloge, stavove i mišljenja iznijeli vijećnici: Elvir Rožajac, Đemo Kevrić, Tajiba Brkić, Ismet Abdulahović, Mario Mirčić, Jasmin Salketić i pomoćnik načelnika Ermin Musa koji je odgovorio na neka pitanja vijećnika postavljena u raspravi (izgradnja stadiona u MZ Budoželje, kanalizacione cijevi za MZ Striježevo)

Predsjedavajući OV podsjetio je na odredbe Poslovnika o radu OV u vezi izjašnjavanja, te da će se Vijeće izjašnjavati po ovoj tački dnevnog reda iz razloga što Informacija predviđa prijedlog mjera i zaključaka.

Predsjedavajući OV stavio je na izjašnjavanje Informaciju o provođenju Strategije razvoja Općine Vareš za period od 2006 do 2015. godine za 2014. godinu sa prijedlogom mjera i zaključaka.

Nakon izjašnjavanja vijećnika predsjedavajući OV konstatuje da je sa **14 glasova „ZA“ i 4 glasova „PROTIV“ usvojena**

***Informacija o provođenju Strategije razvoja
Općine Vareš za period od 2006 do 2015. godine za 2014. godinu.***

Ad.10.

*(Informacija o provođenju Strategije razvoja poljoprivredne proizvodnje
na području općine Vareš za period 2014-2018 godinu za 2014. godinu.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o provođenju Strategije razvoja poljoprivredne proizvodnje na području općine Vareš za period 2014-2018 godinu za 2014. godinu.

Nakon izjašnjavanja vijećnika predsjedavajući OV konstatuje **uz Zaključak da je sa 15 glasova „ZA“ i 2 „SUZDRŽANA“ glasa primljena k znanju**

***Informacija o provođenju Strategije razvoja poljoprivredne proizvodnje
na području općine Vareš za period 2014-2018 godinu za 2014. godinu***

Ad.11.

*(Informacija o provođenju „Strategije razvoja i unapređenja socijalne zaštite
Općine Vareš za period 2014-2017. godina“ za 2014. godinu.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o provođenju „Strategije razvoja i unapređenja socijalne zaštite Općine Vareš za period 2014-2017. godina“ za 2014. godinu.

Nakon izjašnjavanja vijećnika predsjedavajući OV konstatuje **uz Zaključak da je sa 15 glasova „ZA“ i 2 „SUZDRŽANA“ glasa primljena k znanju**

***Informacija o provođenju „Strategije razvoja i unapređenja socijalne zaštite
Općine Vareš za period 2014-2017. godina“ za 2014. godinu***

Ad.12.

(Informacija o provođenju Strategije prema mladima općine Vareš u 2014. godini)

Otvorena je rasprava u kojoj su svoje primjedbe, prijedloge i mišljenja iznijeli vijećnici: Elvir Rožajac, Tarik Kovač, Safeta Muftić, Ismet Abdulahović, Asmir Čizmo, predsjedavajući OV Zdravko Marošević i pomoćnik načelnika Rusmir Berberović koji je dao dodatno pojašnjenje i odgovorio na neka pitanja vijećnika postavljena u raspravi.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

Informaciju o provođenju Strategije prema mladima općine Vareš u 2014. godini

Predsjedavajući OV dao je pauzu u trajanju od 40 minuta.

Nastavljeno je sa radom sjednice.

Ad.13.

*(Izveštaj/Izvešće o izvršenju budžeta/proračuna
Općine Vareš za period januar/siječanj-decembar/prosinac 2014. godine)*

Komisija za privredu, finansije i budžet na 9. sjednici održanoj 23.03.2015. godine, jednoglasno je donijela Zaključak:

- **Komisija upućuje Izveštaj/Izvešće o izvršenju budžeta/proračuna Općine Vareš za period januar/siječanj – decembar/prosinac 2014. godine Vijeću na razmatranje.**

Otvorena je rasprava u kojoj su svoje, primjedbe, stavove i mišljenja iznijeli vijećnici:

Safeta Muftić u svom obraćanju izjavila je da Klub vijećnika SBB neće podržati ovu tačku dnevnog reda o čemu je dala i pojašnjenje.

Zdenko Franjić u svom obraćanju zatražio je pojašnjenje što se toliko moglo promijeniti od 29. 12. 2014. godine, kada je usvojen Rebalans u kome su planirani prihodi veći za 250.000 KM od rashoda, a u Izveštaju o izvršenju budžeta za 2014. godinu prikazan je deficit od oko 1.000.000 KM.

Đemo Kevrić u svom obraćanju zatražio je od nadležnih da izlistaju-dostave podatke (navedene obaveze prema dobavljačima u iznosu os 1.234.688 KM) kome Općina Vareš duguje.

Elvir Rožajac dao je komentar u vezi tekućih grantova i drugih tekućih rashoda.

Ismet Abdulahović u svom obraćanju izjavio je da na sjednici nisu prisutni nadležni iz finansija kako bi mogli dati određena pojašnjenja. (vezano za sredstva u iznosu od 300.000 od Ministarstva za energetiku, namjenska sredstva od Energoinvesta).

Nije više bilo učesnika u raspravi i predsjedavajući OV stavio je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj-decembar/prosinac 2014. godine.

Nakon izjašnjavanja predsjedavajući OV konstatuje da je **sa 10 glasova „ZA“ i 7 glasova „PROTIV“ usvojen**

***Izveštaj/Izvešće o izvršenju budžeta/proračuna
Općine Vareš za period januar/siječanj-decembar/prosinac 2014. godine***

Ad.14.

(Prijedlog Programa mjera štednje Jedinstvenog općinskog organa Općine Vareš za period 2015-2020. godina.)

Komisija za privredu, finansije i budžet na 9. sjednici održanoj 23.03.2015. godine, jednoglasno je donijela Zaključak:

- **Komisija upućuje Prijedlog Programa mjera štednje Jedinstvenog općinskog organa Općine Vareš za period 2015. – 2020. godine Vijeću na razmatranje.**

Otvorena je rasprava u kojoj su svoje prijedloge, primjedbe i mišljenja iznijeli vijećnici: Safeta Muftić, Mario Mirčić, Demo Kevrić, Ismet Abdulahović i Elvir Rožajac.

Kroz raspravu je izneseno dosta primjedbi na predloženi Program i u vezi s tim vijećnik Mario Mirčić je predložio da *se Programa mjera štednje Jedinstvenog općinskog organa Općine Vareš za period 2015-2020. godine vrati na doradu i da obavezno tretira prihodovnu stranu.*

U daljnjoj raspravi su učestvovali predsjedavajući OV Zdravko Marošević, vijećnica Tajiba Brkić i Općinski načelnik Avdija Kovačević koji je izjavio da prihvata prijedlog vijećnika Maria Mirčić .

Predsjedavajući OV je konstatovao da je ovlašteni predlagač prihvatio prijedlog vijećnika Maria Mirčić i izjasnio se da će dopunu Programa pripremiti za slijedeću sjednicu OV.

Ad.15.

(Informacija o blokadi svih računa Općine Vareš od strane „Unicredit Bank“ d.d. Mostar po nalogu Porezne uprave FBiH.)

Otvorena je rasprava u kojoj su učestvovali vijećnici: Demo Kevrić, Zdenko Franjić, Ismet Abdulahović, Mario Mirčić, Elvir Rožajac, predsjedavajući OV Zdravko Marošević i Općinski načelnik Avdija Kovačević koji je u svom obraćanju dao pojašnjenje u vezi ostavke koju je podnio 20.01.2015. godine, Općinskom vijeću na znanje i daljnje postupanje. Upoznao je prisutne o provedenoj proceduri u vezi Sporazuma o plaćanju poreznih obaveza i planiranih aktivnosti u vezi iznalaženja rješenja nastale situacije. Također je dao odgovor u vezi finansijskih sredstava od koncesione naknade koji glasi: „ **Od sredstava koncesione naknade od prodaje Rudnika olova, cinka i barita, isplaćeno je pet punih plaća za zaposlenike**“.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

Informaciju o blokadi svih računa Općine Vareš od strane „Unicredit Bank“ d.d. Mostar po nalogu Porezne uprave FBiH.

Ad.16.

(Informacija o projektima obnove stambenih objekata na području općine Vareš u 2014. godini.)

Nije bilo rasprave po ovoj tački dnevnog reda i predsjedavajući OV **konstatuje uz Zaključak da je Vijeće primilo k znanju**

Informaciju o projektima obnove stambenih objekata na području općine Vareš u 2014. godini.

Ad.17.

(Informacija o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod biroa za zapošljavanje-Vareš.)

Nije bilo rasprave po ovoj tački dnevnog reda i predsjedavajući OV **konstatuje uz Zaključak da je Vijeće primilo k znanju**

Informaciju o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod biroa za zapošljavanje-Vareš

Ad.18.

(Tekuća pitanja.)

1. Predsjedavajući OV upoznao je prisutne da je Kolegij OV na 29. sjednici održanoj 10.04. 2015. godine upoznat sa Zahtjevom MZ Vareš Majdan broj: 06/15 od 06.04.2015. godine, koji se odnosi na saniranje ruševnih objekata, te je sa istim upoznata i nadležna Služba po kojem će se i očitovati.
2. Predsjedavajući OV upoznao je prisutne sa Zahtjevom BBM-Perun d.o.o od 26.03.2015. godine za regulisanje parking prostora ispred Motela „Centar“. Upoznao je prisutne i sa Zahtjevom stanara stambenog objekta E-2 ul. Zvijezda od 25.03. 2015. godine, koji se odnosi na istu problematiku u vezi parking prostora ispred stambenog objekta. Predsjedavajući OV je na osnovu dostavljenih Zahtjeva i problematike parking prostora u općini Vareš predložio i stavio na izjašnjavanje slijedeći

Zaključak:

- **Zadužuje se nadležna Služba da prilikom izrade nove Odluke o utvrđivanju površina za parkiranje motornih vozila (koja je po Programu rada OV planirana u junu mjesecu), pristupi ozbiljnoj i temeljitoj izradi iste kako bi se donijelo kvalitetno rješenje u vezi parking prostora, kod izrade akta uzeti u razmatranje i Zahtjev stanara zgrade ul. Zvijezda br. 19 E-2 i Zahtjev BBM Perun d.o.o. Vareš.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

3. Predsjedavajući OV upoznao je prisutne sa Informacijom dostavljenoj od Općinskog načelnika broj: 02-397/15 od 03.04.2015. godine u kojoj informiše predsjedavajućeg OV da zbog opravdanog odsustva ovlasti osobu koja će ga mijenjati do povratka sa liječenja. Također u dostavljenoj Informaciji moli da Vijeće pod tekućom poštom otvori diskusiju o ostavci Općinskog načelnika koja je dostavljena u prilogu. Predsjedavajući OV je podsjetio je prisutne na raspravu po ovom pitanju koja je vođena na Kolegiju OV, odnosno da Vijeće nije nadležno, odnosno da zakonski ne može donositi bilo kakve odluke po pitanju ostavke, ostavka se podnosi CIK-i, ali vijećnici mogu ako hoće iznijeti svoj stav i mišljenje u vezi ostavke Općinskog načelnika. U raspravi su učestvovali i iznijeli svoje mišljenje predsjedavajući OV Zdravko Marošević, vijećnici Elvir Rožajac i Tajiba Brkić i Općinski načelnik Avdija Kovačević.
4. Na pitanje vijećnika Đeme Kevrić u vezi Zaključka Skupštine JKP d.o.o. Vareš broj: 178-03/15 od 23.03.2015. godine i Informacije o stanju tekuće likvidnosti i finansijskih potraživanja od Općine Vareš, predsjedavajući OV je izvijestio da će nadležna Služba očitovati se po istom.

5. Vijećnik Mario Mirčić predložio je prijedloge:
- Da se Vijeću za narednu sjednicu OV dostavi informacija o funkcionisanju javnog prijevoza putnika na području općine (ko vrši prijevoz, po kojim uvjetima je dodijeljeno vršenje usluge, cjenovnik, vozni red, a sve u skladu sa Zakonom o cestovnom prijevozu FBiH)
 - Da se Vijeću za narednu sjednicu pripremi i dostavi nova Odluka o kategorizaciji lokalnih cesta na području općine, koja će biti usklađena sa Odlukom o kategorizaciji lokalnih cesta na području ZDK od 15.10.2014. godine koja je objavljena u Sl. novinama ZDK broj: 9 od 31.12.2014. godine.
 - Održavanje zajedničkog sastanka Kolegija Općinskog vijeća Vareš i Općinskog vijeća Olovo, na osnovu informacije da će se sastanak održati nakon formiranja Vlade ZDK, a u vezi Odluka OV u vezi uspostavljanja ŠPD Vareš i Olovo.
 - Da se sa resornim ministarstvom iznađe mogućnost asfaltiranja obilaznog-pomoćnog puta na „Kapiji“.
6. Vijećnik Elvir Rožajac skrenuo je pažnju vlasnicima trgovinskih radnji da obrate više pažnje na rokove proizvoda, o čemu je dao i pojašnjenje.
7. Vijećnik Mario Mirčić u svom obraćanju podsjetio je prisutne i upoznao javnost da su OV dostavljeni odgovori od strane Zavoda zdravstvenog osiguranja ZDK i ministra Vlade ZDK, a u vezi liječenja građana općine Vareš, u kome nas informišu da osiguranici Općine Vareš imaju pravo na liječenje u KCU Sarajevo, UKC Tuzla, KB Zenica i Opća bolnica Tešanj, uz povoljnost da slučajeve koji se ne mogu liječiti u KB Zenica ljekari Doma zdravlja Vareš mogu direktno uputiti u KCU Sarajevo, za što se naknadno dobiva odluka ljekarske komisije za liječenje van kantona.

Sastavni dio ovog Zapisnika je audio zapis sjednice.

Sjednica je završena u 20,00 sati.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALAČI

Zdravko Marošević